



天
子
集
卷
十

天

二部
1834
11



門 8

全



古今歷代標題註釋十九史略通考卷六之上

前進士廬陵 曾 先 之 編次

松塢門人番陽竹窩余進宗海通考

五代 按五代所得中原數州之地與諸僭竊無異今但以得國年代相接而已

正統非有所屬也

梁

梁太祖皇帝初名温姓朱氏碭山人朱五經之

子也 碭音蕩。碭山邑名屬宋州。朱五經名誠蓋少五經教授而得名也。 少無賴

從黃巢為盜降唐賜名全忠 少去聲。無賴初

黃巢 少從

為盜

橫行諸鎮

鎮汴攻併徐州兗州鄆州攻河北河東諸郡屢與李克用交兵尋取河中晉絳用兵華岐東降青州南取荆襄橫行諸鎮間劫遷唐都於洛遂篡唐更名冕更音庚○晉州屬山西即平陽郡襄州屬河南即襄陽府封其兄全昱為王嘗罵之曰朱三汝作天子邪汝從黃巢作賊天子用汝為四鎮節度使何負於汝奈何滅唐家三百年社稷自為帝王行當族滅矣昱音育○朱三温行也四鎮謂護國宣武宣義志義也是時李克用王晉王去聲下王岐王淮南王蜀王兩之王並同李茂貞王岐茂貞本姓宋各文通

傳宗時以功賜姓名鎮揚行密為吳王王淮南

行密卒子渥代之行密昭宗時鎮淮南王建王蜀

建許州舞陽人昭宗時鎮西川遂據有其地錢鏐王兩浙兩浙謂浙東浙西

王朝據閩已卒弟審知代之閩音民州名屬福建審知光州固始人昭宗時

封閩王馬殷據湖南殷許州鄆陵人昭宗時鎮潭州劉隱據

廣隱南海人昭宗時鎮清河皆自唐末以來割據諸州○蜀

王玉違稱帝○晉王李克用卒初克用有養子

曰存孝最驍勇有功養子存信疾而譖之存孝

懼禍而叛克用討獲囚歸惜其才意臨刑必有

蜀建帝 稱王

為之請者諸將疾其能竟無一人言遂死又有
薛阿檀亦勇密為存孝謀恐事泄自殺為去聲下同阿
過音自是克用兵勢寢弱唐末數為汴人所攻失
數州數州之數去聲汴兵直抵晉陽城下克用登城備
禦不遑寢食後汴兵再圍晉陽以疫還克用幾
欲走會汴兵去而止抵至也疫音役痢疾也幾平聲克用不能
與汴人爭者累年悒悒以至于卒悒音邑憂也
史斷曰克用雖沙陀微種奄有江東巢寇之
平功為第一上源之變訴于朝廷而不獲伸

梁
晉
每
每

遂與賊梁相攻積年不解然安於爵列為唐
純臣每有除吏耻行墨敕救必表聞朝廷觀其
答蜀主書曰誓此一生靡敢失節此其忠義
上通於天賢於一時方伯遠矣故先儒稱其
得人臣之體述其忠義功烈為唐末第一流
蓋以此也
子存勗立時梁兵侵晉圍潞州晉李嗣昭閉城
固守踰年梁築夾寨守之寨助邁反木柵又壘也存勗與
諸將謀曰朱溫所憚者先王耳聞吾新立以為

童子必有驕怠之心若簡精兵倍道趨之出其
不意取威定霸在此一舉不可失也遂帥兵發
晉陽伏三垂岡下且乘大霧直抵夾寨填塹燒
寨鼓譟而入梁兵大潰遂解潞圍

三垂岡在潞州黎城縣塹

濠池也

胡氏曰喪不二事故春秋於背喪而即戎者
皆深譏之惟其門庭之寇存亡繫焉然後從
權制而無避此費誓所以得列於典謨命誥
之後也若李存勗夾寨之戰君子深有取者

淮南
徐溫
立

與是類耳蓋夾寨距晉陽不百里可謂危急
之秋也使存勗於是時執哀戚之常情忽國
家之大計上黨淪陷則晉陽不存又豈所以
為孝乎是以審緩急量輕重出奇制勝以走
梁師然後霸基復安君子美之垂訓大矣

淮南張顥徐溫弒其節度使楊渥溫復攻顥殺
之將吏推揚隆演為節度使溫自領昇州刺史
渥行密之子隆演渥之弟也昇州屬江東即建
康○書法曰節度為下所殺多矣未有書統者
此其書統何唐亡也上無天子節鎮專地為之
屬者皆其臣矣書統所以正君臣之分也然則

七審
知王
閩王
劉守
光王
燕王

守光
稱帝

温能殺顯何以不書討温既與弒則
賊殺賊而已矣安得以討予之哉
○梁以王

審知為閩王
○梁以劉守光為燕王
守光者盧龍節度使

仁恭之子也先是因
其父而自領軍府
○梁夏州亂殺節度使李

彝昌以其族父仁福代之
彝昌本姓拓跋上世自唐賜姓領鎮久矣

○梁清海節度使劉隱卒弟巖知留後
○燕王

劉守光稱帝
書法曰守光篡父綱目削其爵矣此其書燕王何不燕王無以知稱

帝之為燕帝也雖書稱帝綱目終不以燕主書之
○晉師及鎮定之兵

伐幽州梁主救之大敗走還
鎮州屬河北即常山郡定州即中山

府○書法曰殊鎮定何尊盟主也其書伐何予晉也當是時唯晉大國而稱唐正朔舉事近義

故綱目於
晉多予辭
初鎮州王鎔定州王處直推晉王為

盟主梁攻鎮州襲取諸郡晉王伐其兵於栢鄉

大破之
栢鄉縣名
至是晉帥二鎮伐燕梁主救

之大敗走歸
二州謂鎮州定州
先是梁主已有疾及是

慙憤曰我經營天下三十年不意太原遺孽更

昌熾如此吾觀其志不小我死諸兒非彼敵也

吾無葬地矣
遺孽謂克用已死
疾愈劇且吾躁

急
劇竭戰反甚也
愛假子友文之妻將立友文為嗣遂

為其子友珪所弒在位六年改元者二曰開平

乾化初以汴州為東都開封府洛陽為西都遷都洛陽者凡四年友珪自立尋伏誅均王立史斷曰朱溫為黃巢賊黨力屈來降王鐸推獎過分既受同華節鎮不因立功朝廷又與宣武等重鎮寵過而驕志欲無厭遂移唐祚考其所為直臣盜耳篡國之後刑虐不悛戕害無辜不念聚麀之耻釀成友珪之禍未及七年其子屠之如机上肉回視前日弑逼之慘天之報之足稱其施可畏也夫

○均王名友貞朱溫弟初為東都指揮使友珪弑

逆起兵誅之而即位於汴更名瑱更音庚瑱○

晉王入幽州執劉仁恭及守光以歸誅之書法

之代為守光也書執守光可矣書仁恭何皆罪人也仁恭為下則攻其帥為臣則忍其君非罪乎然則為不書仁恭父子○梁賜高季昌爵

渤海王李昌峽石人本朱友恭○契丹稱帝改

元書法曰劉淵嘗書稱皇帝矣於是復見然生不書主書各死不書卒書死網目終外之不

得與淵比也其不與淵比何純夷也契丹古東胡種也其先國

在橫山南本鮮卑舊地元魏時自號契丹種上○

晉王 守光 賜高 季昌 爵為

復

劉巖稱帝

蜀主宗衍立

橫復縣初大賀氏有八子號八部大人推一人

為主三年一代大賀氏其君名代更立也唐開元中有邵固

者統衆詔許襲王襲王謂承襲為王至是諸部以耶律

幹里少子阿保機為主并奚渤海諸國始建元

不復受代國人謂之天皇王少去聲○耶律姓幹里名奚匈奴別

種渤海北狄國名○劉巖稱越帝於廣州國號越後改號漢更名襲

○吳徐溫徙治昇州以徐知誥為淮南行軍副

使輔政知誥溫之子也○蜀主建瓌太子宗衍立○

吳宣王隆演卒弟溥立溥音○唐特進河東監

軍使張承業卒

承業故唐官者為晉王摛拾財賦召補兵馬攻戰連年接應不

乏皆承業力承業意在復唐宗社聞晉王將稱帝力諫知不可止慟哭曰諸侯血戰本為唐家

今王自取之讓老奴矣悒悒成疾而卒○書法曰監軍具官卒何承業賢也於是唐亡十六載

矣曷為冠之以唐著承業心乎唐者也○晉王存勗稱皇帝于魏

州國號唐先是吳蜀屢書勸晉王稱帝晉王謂先王有遺言當務復唐社稷既而得

傳國寶於魏州將佐皆賀勸進不已遂即位改晉為唐奉唐祀○書法曰綱目於晉多予辭此

其書稱皇帝如梁何惜之也綱目予晉以其不忘唐也主讎未滅而遽自立故惜之書曰國號

唐所以殊朱邪於李氏也○梁遣招討使王彥

不書則疑於漢昭烈矣章攻鄆州唐主救之梁師敗績彥章死之唐主

存勗稱帝唐

入大梁梁主瑱自殺唐遂滅梁

日書音運○書法

志梁之無備禦也書遂滅何所以志唐之非素

畫也然則唐之得梁非幸而梁之失國非不幸

先是晉梁連歲交兵梁魏州降于晉

魏州屬河東

晉王入魏拔德州澶州

澶音蟬○德州屬山東

即頓梁劉鄩襲晉陽不克而還攻鎮定營晉師

敗之鄩攻魏州晉王又敗之梁又襲晉陽晉人

擊鄩之

鄩音尋晉克衛磁洛相刑滄貝州掠濮鄆

相去梁人決河以限晉晉王攻拔其四寨已而

大舉伐梁戰于胡柳晉將周德威敗死晉王收

兵復戰大破梁軍

胡柳晉築德勝南北兩城梁

攻之不克梁招討使王瓚為晉所敗梁河中降

瓚在簡反鎮州將弒趙王王鎔晉王討平之

將謂張晉王即帝位遣李嗣源襲取梁鄆州梁

文禮也以王彥章為招討使唐主戒德勝守者曰王鐵

槍勇決謹之彥章果拔南城進拔諸寨至楊劉

力攻不克而退

時歸彥章為王鐵槍至是彥章

敗死唐以嗣源為前鋒五日入大梁梁主猶疑

晉大
梁舉伐

十一年改元皆二曰貞明龍德梁自太祖稱帝
至是二世凡一十七年而亡其下謂皇甫麟

史斷曰均王誅友珪而嗣立以義討賊成功
固宜然梁之稔禍非一日天將廢之誰能興
之况均王膏梁之子才不逮人寵信趙張踈
棄敬李賣官鬻爵貨賂公行政事不脩威權
日去唐兵一麾宗廟遽滅是非李亞子用兵
之善乃梁之自不善耳夫朱三起自降賊遽
擁旌旗小人負乘貪欲無厭圍迫天子害朝

臣殺太后勦諸王殺二帝移唐鼎迹其罪戾
盡南山之竹有不足書者自王莽以來一人
而已而凶殘淫穢抑又甚焉再世而亡非不
幸也宜也

唐

唐莊宗皇帝名存勗沙陀人也本姓朱邪先世

立功賜姓李賜姓事見唐懿宗紀父克用有勇略一目微

眇號獨眼龍為唐平黃巢立大功王于晉為去

與朱氏為仇暮年頗為所感憂形於色存勗幼

郭崇
韜佐

進言曰朱氏窮凶極暴人怨神怒極將斃矣吾
 家世襲忠貞大人當遵養時晦以待其衰奈何
 輕為沮喪使羣下失望乎沮上聲喪去聲克用
 說臨終立為嗣謂其下曰此子志氣遠大必能
 成吾事說音悅年十七嗣晉王位即舉兵破梁解
 洛圍自是連勝梁祖歎曰生子當如李亞子吾
 兒豚犬耳亞子存勗小名存勗東併幽州北卻契丹南
 與梁夾河百戰郤退也既即帝位國號唐奉唐祀
 入汴滅梁都大梁已而遷雒陽雒與洛同侍中郭崇

成帝
業

韜有謀略佐唐主成業至是權兼內外謀猷規
 益竭忠無隱薦引人物他相受成而已相去聲
謂承受見成也
 胡氏曰孔子曰欲速則不達見小利則大事
 不成晉王以夷狄賜姓豈親宗室之比朱氏
 未滅偏霸大國周匝三垂存勗戰克攻取之
 才固為群雄所服而輔世長民之德天下未
 聞也於是而遽登宸極則欲速見小利是以
 其行不達而大事不成也

高季興為南平王

知祥為西川節度使

唐封高季興為南平王季興者唐荆南節度使高季昌之改名也○

唐遣魏王繼岌及郭崇韜將兵伐蜀蜀主東遊

唐師滅蜀蜀主王衍降蜀自王建僭號至是二世十六年而亡○書法

曰上書伐蜀次書東遊下書滅蜀所以下著王衍沉涵驕慢為中後世戒也先書滅後書降何蜀無

抗者則已滅矣○閩王王審知卒子延翰立○

唐以孟知祥為西川節度使知祥字保胤龍岡人○唐伶

人郭從謙弒其主存勗伶人樂工也○書法曰從謙指揮使也不書而

書伶人何所以著中罷任伶優者之效也唐主自克梁後寢驕首以

伶人為刺史唐主幼習音律或時自傅粉墨與

優人共戲優名謂之李天下傳音付塗也嘗自呼曰

李天下李天下優人敬新磨遽前批其頰唐主

失色新磨徐曰理天下只一人尚誰呼邪主悅

批擊也○呼去聲諸伶人出入宮掖侮弄搢紳群臣憤

疾莫有出氣亦有互相附托納賂展轉以干恩

澤蠹政害人恣為讒慝搢紳公卿大臣也唐主踈忌

宿將不恤軍士數出遊獵蹂踐民田上下咨怨

數音朔蹂忍尤反魏博將戍瓦橋代歸復遣留屯貝州

遂作亂奉趙在禮入據鄴都瓦橋關名在雄州唐遣李

伶人侮弄搢紳 踈忌宿將

數音朔蹂忍尤反

瓦橋關名在雄州

嗣源討之至城下軍士大譟曰將士從主上十年百戰以得天下今貝州戍卒思歸主上不救從馬直數卒喧競遽欲盡誅其族我輩初無叛心但畏死今欲與城中合勢拔白刃擁嗣源入城城中不受外兵逆擊之皆潰從去聲○先是溫等五人作亂討斬之故曰數卒喧競嗣源詭辭得出將召兵攻亂者安重誨曰公為元帥不幸為凶人所劫不若星行詣闕見天子庶可自明見音現嗣源乃南趨相州諧者奏嗣源已叛嗣源上章自理過不

得通始疑懼相去聲過也絕也石敬瑭曰安有上將

與叛卒入賊城而他日得保無恙者乎大梁天

下都會願先往取之庶可自全恙患也康義誠曰

主上無道軍民怨望公從衆則生守節必死嗣

源乃以敬瑭為前鋒李從珂為殿引兵入大梁

殿顛去聲軍後也○唐主如關東聞嗣源已據大梁諧

軍離叛神色沮喪歎曰吾不濟矣即命旋師往如

也從馬直郭從謙帥兵於汜水作亂唐主中流

矢而殂汜音祀中去聲稱帝僅三年改元同光伶人斂

梁據嗣
太原

樂器覆屍而焚之

歛收也覆敷
救反蓋也

嗣源聞之慟哭

乃入洛陽百官上牋勸進不許又三請監國乃

許之

進謂即位

繼岌自蜀歸途聞內難至長安自

殺監國立是為明宗皇帝

難去聲

胡氏曰莊宗初立決勝夾寨解洛州之圍歸而治國訓兵事各有理使朱温未死固必為所擒矣既違張承業忠謀亟稱尊號則舉措之失已稍形見逮滅梁之後遂無一善可稱與向者猶二入然是何也才器有限也若曰

天數則裂膚汗血沐雨櫛風凡十五年而後得好遊畋幸婦女寵伶人信宦官不三年而滅亡其心昔明而今暗先戒而後肆豈亦天邪故莊宗之命哲命吉凶命歷年皆所自貽不可歸之天數也

○明宗皇帝本胡人邈佶烈也為晉王克用養子名嗣源莊宗滅梁嗣源功最高為中書令蕃漢馬步總管受命討鄴為叛卒所擁自鄴趨汴入洛遂即位更名亶

○遷墨各反佶其吉反更音庚蕃漢馬步總管官名言總

吳王揚稱帝

閩王延稱帝

知祥蜀王

管蕃漢馬兵步兵也 ○契丹阿保機死子德光立 ○閩王

延亶弒其君延翰而立其弟延鈞 延亶審知之養子也延翰

驕注殘暴蔑棄兄弟故被弒 ○吳王楊溥稱帝 ○荆南節度

使高季興卒 吳立其子從誨 ○楚武穆王馬殷卒子希

聲嗣 ○吳越武肅王錢鏐卒子元瓘嗣 瓘音 ○

唐武安節度使馬希聲卒弟希範嗣 ○閩王王

延鈞稱帝更名璘 ○唐定難節度使李仁福卒

子彛超嗣 ○唐以孟知祥為蜀王 初知祥與東

璋連兵反攻陷州郡至是知祥斬璋併東川上表謝罪故有是命 ○唐主亶殂

初秦王從榮驕狠自知時論不與常恐不得為

嗣及唐主寢疾遽率牙兵千人至端門下將入

禁衛討之從榮兵潰走歸府皇城使斬之唐主

悲駭疾劇遂殂 從榮明宗長子 唐主性不猜忌與物無

競登極之年已踰六十 也 每夕於宮中焚香

祝天曰某胡人因亂為眾所推願天早生聖人

為生民主

胡氏曰祝天之言發於誠心天既厭亂果生

聖人唐主以丙戌即位宋祖以丁亥生焉用

是觀之天人交感之理不可誣矣

在位八年改元者二曰天成長興內無聲色外無遊畋不任宦官廢內藏庫賞廉吏治賊蠹雖不知書所行暗合於道年穀屢登兵革罕用校於五代粗爲小康子宋王立是爲閔帝藏去聲

史斷曰明宗初無黃屋之心遭時之亂邂逅得國莅政之初斬孔謙而去苛法誅宦寺而委宰相命諸道以均民田廢內藏庫以崇儉約誅賊吏以示蠹民之戒褒孫岳以化清廉

之風遠女色而減後宮之負優民力而免逋負之租絕音樂之好而黜伶官薄口體之奉而省庖廚戒田獵之爲民害而縱鷹犬惡冗官之費而罷有名無益之吏戒橫斂斥私獻而抑牧守進奉有年之書兩見于策且目不知書而所行暗合古訓有如是者惜其以戲殺從璨而無父子之恩以誣殺安重誨而無君臣之義年幾七十諱言儲嗣卒致從榮稱兵驚亂宮闈父子祖孫一日而絕身肉未寒

蜀孟知祥稱帝

○家國俱破雖曰輔相非久亦不學之所致也
閔帝名從厚明宗次子也即位有志為治然不
知其要寬柔少斷斷去聲○蜀王孟知祥稱帝○
唐潞王從珂舉兵鳳翔長驅至洛陽唐主出奔
在位改元應順數月而已潞王立是為廢帝應去聲

○廢帝名從珂本姓王氏明宗之養子也少從明
宗征伐有功名得衆心用事者忌之從珂鎮鳳
翔閔帝命移鎮河東將佐以為離鎮必無全理

孟昶立

石敬瑭為全計之自陰敬

乃移檄隣道起兵入清帝側從珂至陝諸軍皆
迎降至洛宰相馮道等百官班迎遂即位遣人
鴻殺閔帝於衛州少去聲○清帝側謂掃清君側之惡也○蜀主
孟知祥殂子昶立昶丑兩反○唐夏州節度使李彝
超卒兄彝殷代之○閩李倣弑其主璘而立福
王繼鵬更名昶倣伏誅繼鵬璘子也○唐以石敬瑭
為天平節度使敬瑭拒命初唐主與敬瑭素不
相悅唐主立敬瑭不得已入朝尋歸鎮陰為自
全之計唐主移鎮鄆州遂反求救於契丹契丹

敗唐兵立教瑋為晉帝引兵向洛陽唐主自焚
死在位不三年改元清泰唐自莊宗至是四主
實三姓一十四年而亡朝音潮鄆州號
為天平節度

史斷曰潞王以明宗養子僥倖奪人之國蓋
至是而國姓三變焉方其入洛許軍士以入
賞百緡緡音緡及其至洛府庫枵然金帛不盈三萬
顧乃括剝聚歛括民以給之民心愁嗟思亂
者衆其始也戕民以買國其終也民散而國
亦隨之宜其不能久有其國而况奪敬瑋之

節度殺敬瑋之子弟以自促其亡哉

晉

晉高祖皇帝姓石氏名敬瑋沙陀人唐明宗之
婿也初與從珂皆勇力善鬪事明宗皆有功內
相忌從珂稱帝敬瑋自河東來朝將佐皆勸留
之時久病骨立唐主不以為虞遂得歸鎮虞防也
公主在洛陽辭歸唐主醉曰何不且留遽歸欲
與石郎反邪敬瑋聞之益懼尋命移鎮敬瑋拒
命唐主發兵討之桑維翰為敬瑋草表稱臣於

割六與丹
十州契

契丹事以父禮約事捷割地為去聲劉知遠以為
太過厚賂金帛足致其兵不必許以土田恐異
日大為中國患敬瑭不聽路音表至契丹主大
喜將騎五萬而來與唐兵戰於晉陽大敗之將
皆去聲契丹主立敬瑭為帝國號晉割幽薊瀛莫
涿檀順新媯儒武雲應寰寰朔蔚十六州與之薊
涿檀順新雲蔚屬今北平瀛莫屬河契丹以晉
東武應朔屬山西媯儒寰未詳所屬
主南下又破唐兵至潞州契丹北還晉主引而
南唐將校皆飛狀以迎唐主自焚死晉主入都

洛已而還汴

胡氏曰敬瑭之罪在不助閔帝苟以閔帝失
國則當尊奉許王不為衛州之事而歸奪國
弑君之惡於從珂兵以義舉名實皆正則其
德美矣乃急於近利稱臣契丹割棄土壤以
父事之其利不能以再世其害乃及於無窮
故以功利謀國而不本於禮義未有不旋中
其禍者也

吳徐
知誥

吳徐知誥稱帝國號唐奉吳王為讓皇書法曰廢主書

稱帝
唐國號

契丹
改號

廢桓辭也此其書奉何怨知誥初徐温命知誥也號為讓皇固不可以廢言也

治昇州致繁富城市府舍甚盛温自徙居之以

知誥入廣陵輔吳政温卒知誥以中書令鎮昇

而留其子輔吳政廣金陵城吳加知誥大元帥

封齊王備殊禮至是遂受吳禪金陵即昇州知誥本

徐州李氏子也自謂唐後國號唐尋復姓李更

名昇是為南唐更音庚昇音弁○吳自揚行密

○契丹改號遼書法曰蠻夷改號不書此其書何契丹嘗書無此改元矣然是

後有事仍書契丹綱目終外之○閩王曦弒其主昶而自立稱

藩于晉曦昶之叔父也○吳越文穆王錢元瓘卒子弘

佐嗣○閩王曦稱帝○漢主襲昶子玠立襲音嚴

之改名也玠○晉主敬瑄殂在位七年改元天福

齊王立是為出帝

史斷曰晉祖以唐朝禁鬻之親地尊勢重迫

於猜疑請兵契丹賂以土地而取人之國迹

其以中國之君而屈身夷狄玩好珍異旁午

道途小不如意譙責繼之當時朝野莫不痛

心而晉祖事之殊無赧色夫以古人行一不

義殺一不辜而得天下猶且不為况附夷狄以伐中國又從而取之者乎綱目書晉上尊號於契丹契丹加晉主尊號所以著中國夷狄首足倒懸之極其惡契丹而賤敬瑄也甚矣

○出帝名重貴高祖兄子也高祖臨終命幼子重睿拜宰相馮道欲其輔立景延廣議以國家多難宜立長君遂立重貴延廣用事難去聲長上聲○唐

唐李立王政
延閣王政
補延閣王政
號延閣王政

契丹舉
大契丹
入契丹

主昇殂子璟立○閩富沙王延政稱帝於建州國號殷延政祖之弟也建州即建寧府屬福建○漢晉王弘熙弒其主玠而自立更名晟弘熙玠之弟○閩指揮使朱文進弒其主曦而自立閩人討殺文進傳首建州殷改國號曰閩唐兵拔建州閩主延政出降傳去聲閩自王審知僭號至是五世三十三年而亡○書法曰閩自審知書卒其後延翰璘昶職皆以弒終習俗然也○契丹大舉入寇遣兵入大梁執晉主重貴以歸初晉祖事遼甚謹至少主即位景延廣主議告哀不復稱臣遼主大

怒少去聲延廣又囚其回圖使已而遣歸大言曰

歸語而主先帝為北朝所立故稱臣奉表今上

乃中國所立為隣無孫足矣翁怒則來戰孫有

十萬橫磨劍相待語去聲而汝也○桑維翰屢請遜辭

以謝遼每為延廣所沮為去聲於是遼入寇渡河

晉主自將及遣李守貞等分道擊之遼敗走遼

再至相州引還晉主又自將追之遼旋兵南下

晉人擊之遼又敗走晉主既再勝意遼不足畏

至是遼大舉入大梁執晉主殺維翰囚延廣尋

自殺晉主在位五年改元開運晉自高祖至是

再世一十二年而亡

胡氏曰興晉者桑維翰也亡晉者景延廣也

二人用心異而受禍同何也歐陽子曰本末

不順而與夷狄共事者常見其禍未見其禍

也

遼主入大梁胡騎四出剽掠謂之打草穀丁壯

斃鋒刃老弱委溝壑自東西兩畿及鄭滑曹濮

數百里間財帛殆盡騎夫聲打草穀言哨糧草也○遼主謂

括民
錢帛

判三司劉昫曰遼兵應有優賜遂括都城士民
錢帛遣使者數十人括於諸州皆迫以嚴刑人
不聊生括至初無頒給皆欲輦歸中外怨憤皆
思逐之所在盜起遼主曰我不知中國難治如
此居汴三月而還昫可句反○判三司官名掌
判決鹽鐵度支戶部三司政
也事晉劉知遠先一月稱帝於晉陽先去
聲
史斷曰少主信景延廣之狂策內政不脩外
挑強胡自陽城一捷之後顧謂國勢無虞驕
奢益甚四方貢獻皆歸內府廣置宮室崇飾

庭

後庭賞賜伶優多寡無筭委任馮玉倚勢弄
權當旱蝗水潦國脉如綫之時方且今年遣
使括民穀明年遣使括民財迨夫契丹入寇
境內皇皇猶且調鷹苑內排沮人言遂使橫
尸蔽野宗廟丘墟迹其人謀豈不幸哉夫以
晉之立國絕滅三綱屏棄五常報叔母為妻
而夫婦亂矣尊夷狄為父而父子亂矣為中
國主臣于契丹而君臣亂矣三綱既失中國
已淪胥為夷不得契丹主服赭袍坐崇元殿

漢祖
知遠
事晉
功多

令百官行入閣禮而風聲氣習之來侵已非
一日矣此蓋人道之大變中國之禍至使
斯人與禽獸雜處而又離其害焉此豈容以
常理斷哉

漢

漢高祖皇帝姓劉氏初名知遠沙陀人也事晉
祖敬瑭於兵間功最多晉祖在河東唐潞王移
之鎮鄆知遠曰明公久將兵得士卒心今據形
勝之地士馬精強若稱兵傳檄帝業可成奈何

耶律
兀欲
立

以一紙制書自投虎口遂拒命舉兵滅唐入洛
陽知遠時為侍衛馬軍都指揮使分漢兵入營
館遼兵於寺城中肅然肅然言不取犯令也後晉祖以知
遠鎮河東晉祖臨終遺命以知遠入輔政晉人
匿之知遠由是怨朝廷晉雖以知遠為行營都
統知遠不行遼滅晉入大梁知遠稱帝於晉陽
遼去乃發太原入洛遂入汴國號漢後更名高
音音契丹耶律德光死於殺胡林兄子兀欲
立殺胡林在真定府藁城縣北楚文昭王希範卒弟希廣

嗣○吳越忠獻王弘佐卒弟弘侔宗音嗣統軍使胡
進思廢之而立其弟弘俶宗音○漢主高祖在
位一年改元乾祐子周王立是為隱帝

史斷曰漢祖擁精銳之兵居形便之地屬胡
騎北還中原無主不動聲色據南面而君之
蓋非幸禍而興適乘時而作故一聞稱帝而
諸郡爭殺契丹使者奉表稱歎中國之正氣
獲藉是得以少延亦可謂幸矣然其素非掃除
暴亂之才又無積功累仁之德偶爾得之已

無憑藉而况始入洛陽遣使者殺李從益及
入大梁制盜賊無問賊多少皆死所為如此
其能久乎

○隱帝名承祐年十八即位先是漢祖以弟崇尹
太原為留守河東節度使崇與郭威有隙至是
威為樞密院使侍中執政崇為自全之計選募
勇士招納亡命繕甲兵實府庫罷上供財賦朝
廷廷詔命多不稟承繕音善治也○荆南節度使高從
誨卒以其子保融知留後○漢護國節度使李

郭威
為鄴
守都留

守貞反以郭威為西面招慰安撫使討克之守

貞自殺○漢以郭威為鄴都留守○馬希萼陷

潭州殺楚王希廣而自立希萼希廣兄也○漢主承祐

殺其樞密使楊邠侍衛指揮使史弘肇三司使

王章遣使殺郭希威不克威舉兵反遂殺其主

承祐書法曰書官以殺殺無罪也一日而殺大

書反不書弒何承祐寵信譏邪多殺大臣是亦一夫而已故特書殺以為萬世戒此綱目之變

也例漢主自即位以來邠總機政弘肇典宿衛章

掌財賦威主征伐邠頗公忠弘肇察京師道不

遺章据撿遺利供饋不乏國家相安弘肇嘗謂

天下須用長槍大劍安用毛錐子章曰若無毛

錐子財賦何由取辦章輕文人嘗曰此輩握筭

不知縱橫何益於用毛錐子筆也筭籌也漢主左右嬖幸

寔用事親戚干政邠等每裁抑之漢主益壯厭

為大臣所制弘肇嘗議事於前曰陛下但禁聲

有臣等在漢主積不平左右因譖之積不平言

者非二至是殺邠弘肇章遣密詔欲殺威於鄴

將相勸威入朝自許威引大軍至漢主遣兵拒

郭威代漢

之或降或不戰而還漢主為亂兵所殺威白太后迎武寧節度使贇未至聞遼入寇遣威將兵禦之至澶州將士大譟裂黃旗以被威體共扶抱之呼萬歲震地擁威南行遂代漢漢二主四年而亡

贇於倫反劉崇子也

史斷曰隱帝雖有君天下之號而政非已出自三叛既平日益驕縱郭允明以諂媚而得幸王章以聚斂而掌財一二年間太白晝見日月告凶大風示變方且無故屠其大臣獸

郭雀兒

窮則搏自殞其身父子相承四載而滅自古享國未有如此之促者也

周

周太祖皇帝姓郭氏名威太原人也唐莊宗有宮人柴氏歸其家擇姻一日窺于門見有疾走而過者柴氏大驚問何人告者曰從馬軍使郭雀兒也柴氏欲嫁之父母曰汝帝左右人歸當嫁節度使奈何嫁此人柴氏堅不嫁佗人竟歸威

威微時刺其項為雀兒故目曰郭雀兒也

漢祖鎮河東威為孔目

官遼在汴威勸漢祖舉兵遂成帝業孔目官掌六曹案牘

隱帝時威專征伐隱帝欲殺之不克威擁兵入

汴已而出禦遼軍士擁還汴時已迎贊於徐州

乃以漢太后令廢贊為湘陰公威為監國尋即

位自謂周魏叔後國號周周魏叔後世次未詳蓋亦慕名者也○

周主威弒漢湘陰公贊於宋州漢劉崇稱帝於

晉陽書法曰書弒何宜立也湘陰書弒則承祐書殺之意明矣劉崇稱帝以漢冠之予崇

也正初崇聞隱帝遇害欲起兵南向及聞迎立贊

則曰吾兒為帝吾復何求至是贊廢死乃稱帝

北漢 不克

所有并汾忻代嵐憲隆蔚沁遼麟石十二州之

地謂其臣曰顧我是何天子汝等是何節度使

邪是為北漢遣子承鈞伐周不克遣使乞師於

遼遼策命北漢主更名旻沁七鳩反旻音民○契丹燕

王述軋弒其主元欲而自立述律討殺述軋而

代之北漢伐周遼主引兵會之至新州其子述軋弒之而自立諸部奉述律討斬述軋立

述律此漢主復請兵以擊晉州○書法曰夷狄書殺恒也此其書統何進之也於是元欲約漢

等作亂廢其君希萼立希崇為武安留後唐遣

契丹 立丹

伐周引兵會之諸部不欲以是遇○楚將徐威

南唐
遷馬
氏于
金陵

邊鎬將兵擊之希崇降唐遷馬氏之族于金陵

楚自馬殷稱王至是六主九四十四年而亡矣 ○武平留後劉言遣兵

攻潭州唐節度使邊鎬棄城走言遂取湖南周

以言為武平節度使王逵襲破朗州執劉言殺

之逵還潭以周行逢知朗州事朗州號武平節度劉言故楚將

也潭州即秦長沙郡朗州屬湖廣即武陵 ○周主威祖在位三年改

元廣順晉王立是為世宗睿武孝文皇帝

史斷曰周祖兩弑其君篡取大位得國之初

罷四方貢獻珍食詔百官上封事毀漢宮寶

器立訴訟法定稅牛皮法罷戶部營田務除

租牛課又如曲阜謁孔子祠拜其墓况有王

峻以贊軍事范質以守法度李穀以道上意

雖享國日淺而施為有足稱者故先儒稱其

為唐明周世之亞蓋以此耳然其既已文身

而甘心從夷又偃然自處天位則是黃屋之

中居一鯨人耳何以令天下衆庶乎觀其語

劉崇曰自古豈有花項天子則周祖之自處

亦是明矣

契丹擊周于高平

○

世宗皇帝名榮本姓柴氏周祖妻兄柴守禮之子也周祖無子故養之周初領節鎮已而尹開封封晉王周祖臨終命之聽政尋即位節鎮謂為鎮寧使節度○北漢主以契丹兵擊周周主自將與漢戰于高平漢兵敗績周將樊愛能何徽等伏誅高平郡名屬山西即澤州遼遣楊衮將萬騎北漢主自將三萬兵來周主欲自將禦之羣臣皆諫主曰崇幸大喪輕朕年少新立此必自來朕不可不往以吾兵力之

強破崇如山壓少事皆去聲却卻退也耳馮道力爭惟王溥勸行將

北漢主軍于高平周前鋒擊之北漢兵

卻退周主慮其遁去趣諸軍亟進後軍未至

衆心危懼而主志氣益銳合戰未幾周右軍將

樊愛能等先遁右軍潰步軍千餘解甲降趣促同亟

主見軍勢危自引親兵犯矢石督戰宿衛

將趙匡胤曰主危如此吾屬何得不致死又謂

禁兵將張永德曰賊勢驕可破也公引兵乘高

西出為左翼我為右翼以擊之國家安危在此

北漢
兵敗

一舉承德從之各將二千人進戰匡胤身先士卒
卒馳犯其鋒士卒死戰無一不當百北漢兵大
敗楊衮不敢救北漢主晝夜北走僅得入晉陽
當去周主收愛能等及所部軍使以上七十餘
人責之曰汝輩不能戰正欲以朕為奇貨賣
與劉崇耳悉斬之自是驕將惰卒始知所懼不
行姑息之政矣承德盛稱匡胤智勇擢殿前都
虞候都虞候官名掌殿前諸班直及步騎諸指揮之名籍周主謂侍臣曰
兵務精不務多農夫百未能養戰士一奈何浚

大簡
諸軍

士卒
精強

民之膏血養此無用之物乎乃命大簡諸軍又
詔諸道募天下壯士咸遣詣闕命匡胤選其尤
者為殿前諸班其步騎諸軍各命將帥選之由
是士卒精強所向克捷簡選也左謂最精強者
胡氏曰五代之主多刻於民而紆於軍世宗
則嚴於軍而寬於民既得柄制輕重之權且
其言曰兵務精不務多奈何浚民膏血養此
無用之物聖人復起不能易矣
周遣行營部署符彥卿督諸將攻北漢汾遼石

北漢 劉鈞立

周代 南唐

沁忻及憲嵐州降周主攻晉陽不克引軍還

石沁忻憲嵐七州皆屬山西○書法曰世宗用兵皆書伐此其書攻何漢辭直也 ○北

漢主旻殂子鈞立 鈞性孝謹勤於為政 ○周遣

鳳翔節度使王景伐蜀敗之取秦階成鳳州 秦階

成二州屬鞏昌府鳳州屬陝西 ○周主自將伐唐克楚州至揚

州唐主遣使盡獻江北地周主罷兵引還唐主

更名景去帝號奉周正朔 楚州屬淮東今淮安府 先是周

伐唐唐遣兵拒於壽州而敗周主自將大敗唐

兵於正陽 壽州屬淮南正陽地唐屬霍丘 唐將皇甫煇姚鳳保

清流關主命趙匡胤倍道襲之擒暉鳳克滁州

清流關在滁州滁州屬淮東 周師取揚泰光舒蘄州唐兵拒

周師復泰州攻揚州 蘄音祈○揚泰蘄舒州屬淮東光州屬河南 周

主命匡胤屯六合唐兵來攻奮擊大破之將士

有不致力者匡胤陽為督戰以劔斫其皮笠明

日徧閱其笠有劔跡者數十人皆斬之由是部

兵莫敢不盡死 六合邑名屬真州陽詠也閱檢視也 周主還大梁

留兵圍壽州唐兵復江北諸州周守將皆棄去

并兵攻壽州周主復自將如壽州唐人以城降

周主還已而復自將攻濠泗皆降進攻楚州遣

兵取揚泰至是唐主遣使降周主還濠泗二州皆屬淮西

○岳州團練使潘叔嗣殺王逵迎周行逢入朗

州行逢討叔嗣斬之行逢遂併潭朗有之○南漢主晟殂

子鋹立鋹音敝○周主自將伐契丹取莫瀛易置

雄霸州遂趨幽州有疾乃還以瓦橋關為雄州益津關為霸州是

行也往還纔六十日○書法曰遂者向決辭也

乃者何不得已之辭也非有疾則華夏之氣伸

矣○周以我太祖為殿前都點檢匡胤先是為殿前都指揮使從征淮南又從征契丹至是授是職○書法曰我太祖何趙匡胤也何以不名綱目朱熹所

諱而熹宋人也故為國諱臨文不諱此則曷為諱之夫子作春秋諸侯卒皆名之至魯先君則卒書君薨葬書葬我君某公則固諱之矣○周主榮殂主在位六年

改元者一曰顯德主在藩韜晦及即位首破高

平之敵人始服其英武號令嚴明人莫敢犯攻

城對敵矢石落左右略不動容應機決策出人

意表應去聲又勤於政事發姦擿伏聰察如神擿音

剔挑也伏隱也間暇則召儒者讀史商榷大義榷音性

不好絲竹珍玩之物好去聲嘗言朕不因喜賞人

因怒刑人文武參用各盡其能人畏其明而懷

其惠故能破敵廣地所向無前登遐之日遠邇

哀慕子梁王立是為恭帝書法曰世宗即位六年善政既多良法粗

立內脩文事外抗武功而其君人之度又有非後世所可及者豈不謂之賢主哉故綱目書罷

巡檢使臣書給漕運斗耗書制舉令錄法書禁

度僧尼書立二稅起徵限皆良法也書親錄囚

徒書開壽刑倉賑濟飢民書均定田租書減所

奏羨田書淮南飢皆善政也書撰通禮正樂書

定大樂書設科目皆文治也書簡閱諸軍書伐

蜀伐唐伐契丹皆武功也至於詔言得失褒贈

劉仁瞻却泉州貢命城金陵可謂有君

人之度矣夫豈五季諸君之所及哉

恭帝名宗訓七歲即位以趙匡胤為歸德節度

使明年春鎮定言契丹入寇遣匡胤將兵禦之

于周禪

至陳橋驛軍士擁還策立周主在位半年遂禪

于宋周自太祖至是三世實二姓十年而亡陳橋驛在汴城外

史斷曰恭帝以區區孺子纂承大統不足以

當皇天之眷命然其人德業日隆已為天下

所歸戴則其重負安得而不釋乎昔聞諸先

儒說五代之君更十有二周世宗為止唐明

宗次之餘無足稱焉歷考五代之世正如中

夜晦冥孤山窮谷之間鼯鼠鷓鴣狐狸鬼魅

何物不有故有以盜賊而君天下者朱梁是
也有以夷人而君天下者後唐晉漢諸君是
也有以黥卒而君天下者周郭威是也有以
丐養之子而君天下者唐明宗潞王周世宗
是也其變之大者則同姓之親斃於刀鋸而
不恤盜賊夷人之裔則養為已子使紹大統
而不顧中國之君已之所當北面而委質者
則叛逆篡弑而忍為夷狄之主中國所當拒
絕者則稱父稱臣而不耻首足倒懸冠履逆

置自書契以來其禍敗之慘滅亡之速未有
甚於斯時者也人生斯世何其不幸歟

宋

赤光
蒲室

宋太祖皇帝姓趙氏名匡胤其先涿人也父弘
殷為洛陽禁衛將校娶杜氏生匡胤於甲馬營
赤光蒲室營中異香一月人謂之香孩兒營
營在洛陽及長容貌雄偉器貌豁如長上周世宗時
掌軍政凡六年士卒服其恩威數從征伐立大
功數音世宗一日於文書篋中得一木書曰點

史記卷六十五
三十一

黑光
相盪

檢作天子時張永德為點檢世宗乃遷之而易
以臣胤易音亦至是恭帝命領宿衛禦契丹時
主少國危中外頗有推戴之議少去大軍既出
軍校苗訓見日下復有一日黑光相盪指曰此
天命也復扶又反盪音蕩磨也夕次陳橋驛軍士聚謀曰
主上幼弱我輩出死力破敵誰則知之不如先
立點檢為天子然後北征環列待旦點檢醉卧
不知也黎明軍士擐甲執兵直叩寢門曰諸將
無主願策太尉為天子點檢驚起披衣則相與

秋毫
無犯
宋國號

扶出被以黃袍羅拜呼萬歲擁上馬南行擐音患
黎黑也黑與明相雜黎曉時也擐貫也拒之不可乃攬轡誓諸將
曰汝等自貪富貴立我為天子能從我命則可
不然不能為若主也皆下馬曰願受命點檢曰
少帝太后我北面事者不得驚犯公卿大臣皆
我比有不得侵陵朝市府庫不得侵掠用命則
重賞不然則族誅皆應曰諾遂整軍自仁和門
入秋毫無犯少應皆去聲○仁和門汴州城下恭帝遂禪位以
所領節鎮為宋州歸德軍故國號曰宋奉恭帝

為鄭王禪音善即位之初陰察群情頗為微行或

諫無輕出上曰帝王之興自有天命周世宗見

諸將方面大耳者皆殺之我終日侍側不能害

也微行愈數曰有天命者任自為之不汝禁也

中外驚服數音朔驚音措畏也

呂氏中曰五季之衰天人厭亂久矣唐明宗

有天生聖人之祝而宋祖實生於是年則天

命所歸不待日光相盪而後知自掌軍政之

時士卒服其恩威中外同於推戴則人心所

屬不待陳橋之變而後見矧其號令之嚴秋

毫無犯不惟救生民塗炭之苦抑且革五季

兵戈之禍非聰明神武而不殺者孰能與於

此哉

北漢 伐宋

周昭義節度使李筠起兵潞州會北漢師伐宋

宋遣將軍石守信等擊敗之宋帝自將克潭州

筠死之筠音均○周淮南節度使李重進起兵廣

陵伐宋宋遣將軍石守信等擊之帝自將克廣

陵重進死之重進周相甥也○荆南節度使高保融卒

周李 伐宋

弟保勛嗣○以宿衛將高懷德等為諸鎮節度

使等謂王審琦張令鍊張光翰趙彥微上既誅李筠李重進召樞

密直學士趙普問曰吾欲息天下兵為國家長

久計其道何如普言唐季以來帝王數易由節

鎮太重君弱臣強而已今莫若稍奪其權制其

錢穀收其精兵則天下自安又言殿前帥石守

信等皆非統制才宜授他職數音朔○季末也非統制才謂不能

伏其下之上悟召石守信等宴酣屏左右謂曰

我非爾曹之力不至此然終夕未嘗安枕也君

此位者誰不欲為之屏音丙退也守信等頓首曰陛

下何為出此言天命已定誰敢有異心上曰汝

曹雖無異心如麾下之人欲富貴何一旦以黃

袍加汝之身雖不欲為得乎麾音揮皆頓首曰臣

等愚不及此惟陛下哀矜指示可生之途上曰

人生如白駒過隙所為好富貴者不過欲多積

金錢厚自娛樂使子孫無貧乏耳汝曹何不釋

去兵權出守大藩擇便好田宅為子孫計多置

歌童舞女日飲酒相歡我且與汝等約為婚姻

君臣之間兩無猜疑上下相安不亦善乎白駒日影

也○樂音洛皆拜謝曰陛下念臣等至此所謂生死

而肉骨也明日皆稱疾請罷故有是命惟守信

居職如故其實兵權不在也生死肉骨謂如使死者復生而白骨

生肉也普薊人遇上於滁州用於節度掌書記上

即位後專與謀議倚信之

呂氏中曰禁衛之兵驕方鎮之權重五代以

干戈智力取之而不足宋祖以盃酒宴笑收

之而有餘此正孟子所謂為政不難不得罪

於巨室裴度所謂處置得宜以服其心者不

然無故而行削國之策豈不動七國之變哉

唐主景殂子從嘉立於江寧更名煜更音庚○武

平武安節度使周行逢卒子保權嗣衡州刺史

張文表作亂襲據潭州保權請救于宋朗州號為武平

節度潭州號為武安節度○荆南節度使高保勗卒兄子繼

冲嗣○高麗來貢○乾德元年命慕容延釗李

處耘等帥師會周保權討張文表誅之處耘襲

破江陵高繼冲降延釗遂襲破朗州獲保權以

張文表亂
作文

歸荆南悉平

慶音 杵

○二年丞相范質魏仁浦王

溥罷

溥音 普

質等周朝舊相也自唐以來宰相惟

面奏大政事餘號令刑賞除拜但入熟狀質等
自以前朝大臣稍存形迹每事具劄子進呈退
批所得聖旨同列皆書字以志之奏御之多始
此至是質等乞罷從之志記○以趙普同平章
事普既相以天下爲已任上倚信之事無大小
悉咨決焉上數微行幸功臣之家不可測普每
退朝不敢脫衣冠一夕大雪普意上不復出矣

父之聞叩門聲甚異亟出則上立雪中普惶恐
迎拜即普堂設重裯地坐熾炭燒肉普妻行酒
上以嫂呼之普從容問曰夜久寒甚陛下何以
出上曰吾睡不能著一榻之外皆他人家也故
來見卿普曰陛下小天下邪南征北伐此其時
也願聞成算算所向上曰吾欲取太原普默然良
久曰非臣所知也太原當西北二邊使一舉而
下邊患我獨當之何不姑留以俟削平諸國彼
彈丸黑子之地將何所逃上笑曰吾意正爾姑

試卿耳

數音朔 亟音克 重平聲 裊一作茵 得也 太原北漢所都 彈丸黑子言其小也 姑

且普嘗薦某人為某官上不許明日又奏之上

怒裂其奏普徐拾以歸補綴以進上悟乃可之

又有立功當遷官者上素嫌其人與普力請

上曰朕固不與奈何普曰刑賞天下之刑賞安

得以私喜怒專之上不聽起普隨之上入宮普

立宮門不去上卒可之其剛毅果斷類如此去斷

聲然相久得志屢以微時所不足於上及已者

為言上曰若塵埃中可識天子宰相則人皆物

色之矣自是不敢復言復扶又反○以王全斌劉光

義為西川行營前軍兵馬都部署將兵擊蜀克

夔興利州進次魏城蜀主孟昶出降蜀自孟昶知

是二主三初上命宰相擇前代所未有年號以

改今元及是得蜀鑑乃有乾德四年鑄字怪之

召問學士竇儀曰昔偽王衍有此號上歎曰宰

相須用讀書人也鑑鏡○五年五星聚奎奎經星直魯分

徐州白先是周顯德中竇儼揚徽之盧多遜同

為諫官儼善推步嘗曰丁卯歲五星聚奎自此

五星聚奎

天下太平二拾遺見之儼不預也至是果然推步

推步天運也二拾遺指徽之多遜也

呂氏曰五星聚奎固太平之象而實重啓斯文之兆也當是時安定湖學之說未行於西北伊洛濂閩之學未行於天下而文治精華已露於立國之初矣猗歟盛哉

定難節度使李彝興卒子光睿嗣○開寶元年北漢主鈞殂養子繼恩立其臣侯霸榮弒之而立其母弟繼元霸榮伏誅初漢世祖女適薛氏生繼恩再適何氏生

繼元俱幼孤世祖以鈞無子使養之皆冒劉姓先是上嘗因北漢謀者

語鈞曰君家與周氏世仇宜不屈今我與爾無所間何為困困此一方之人鈞遣謀者復命曰河

中土地兵甲不足當中國之什一區區守此蓋懼漢氏之不血食也上哀其言終鈞之世不以

大軍北伐及是始用兵謀音牒私行胡敵者也語間皆去聲○

判大理寺雷德驤商州司戶驤音襄德驤以其官

屬與堂吏附會宰相擅增減刑名見上言之且言趙普強市人第宅聚斂財賄上怒叱曰鼎鑪

亡南漢

尚有耳汝不聞趙普吾之社稷臣乎引柱斧擊折其二齒命曳出黜之市買也柱斧大斧也○遣李繼勳帥師擊北漢○二年契丹殺其主述律而立其子賢賢述律伯父元欲之子述律子之○帝自將會李繼勳圍太原不下詔班師○三年以潘美為桂州道行營都部署伐南漢○四年潘美克廣州獲南漢主劉鋹以歸封鋹為恩赦侯南漢自劉隱僭號至是五主五十三○六年鄭王郭宗訓卒初宗訓封鄭王後遷于房州上以辛文悅○交州長者伴為房州守至是宗訓卒上發哀○交州輟朝十日還葬如禮謚曰周恭皇帝

趙普罷相

丁璉表求內附詔以為靜海節度使安南都護安南國名在交趾北○趙普罷普獨相十年為政頗專嘗以私怨誣馮瓚李美李檄以賊論死檄集按時官禁私販秦隴大木普遣人詣市屋材巨臣笵至汴治私第吏因竊貨大木竊私也盜也又以隙地私易尚食蔬園以廣其居多營邸舍以窺利易換也雷德驥之子訐之上始疑普訐音結攻也發陰私也先是雖置參知政事以副普不宣制不押班不知印不升政事堂至是始詔二參政升政事堂同

曹彬
南伐江

議政更知印押班與普齊未幾普遂罷為河陽
三城節度使薛居正呂餘慶等其後相繼為相
宣制奉宣制命也知印主
管印信也三城未詳其地○七年以曹彬為西
南路行營都部署帥師伐唐初上屢遣使諭江
南國主李煜入朝不至乃命彬及清美等討之
戒以切勿暴掠生民務廣威信使自歸順不須
急擊取匣劔授彬曰副將而下不用命者斬之
美以下皆失色自王全斌平蜀多殺人上每恨
之彬性仁厚故專任焉先是江南樊若水舉進

士不第上書言事不報乃釣魚采石江上以繩
度江廣狹詣闕陳策上用其言令荆南造大艦
為浮梁以濟師至是用之不差尺寸度音鐸
梁橋也○八年曹彬等圍金陵克之唐主李煜降彬之
圍金陵也煜遣徐鉉入貢求緩兵鉉言煜以小
事大如子事父其說累數百千曰爾謂父子為
兩家可乎鉉不能對還尋復至奏言江南無罪
辭氣益厲上怒按劔曰不須多言江南亦有何
罪但天下一家卧榻之側豈容他人鼾睡乎鉉

惶恐而退汗斬音金陵受圍自春徂冬勢愈窮感

彬終欲降之累遣人告煜曰某日城必破宜早

為之所一日彬忽稱疾諸將來問彬曰彬之疾

非藥能愈諸公若共為信誓斫城不妄殺一人

則彬疾愈矣諸將皆許諾焚香約誓翼日城陷

煜出降翼日明日也捷書至上泣曰宇縣分割民受

其禍攻城之際必有橫羅鋒鏑者可哀也橫去聲羅

遭音離彬還舟中惟圖籍衣衾閣門通其榜子曰

大鴻臚寺曰閣門伐誇功也

南唐自李昇僭號至是三年三十一而亡○九年封李煜為違命侯

錄用其名臣○吳越王錢俶來朝淑音辭歸上

賜以黃袱封緘甚固曰途中宜密觀及啓之皆

羣臣乞留俶章疏俶感懼袂音伏○帝如西京謁

安陵遂祀南郊而還宋以洛陽為西京汴梁為東京安陵太祖父宣祖葬所

○帝有疾太弟晉王入侍帝遂崩初上不豫

宋后遣官者王繼恩召皇子德芳繼恩徑召晉

王后見王愕然曰官家吾母子之命托在官家

宋后太祖妻也德芳太祖次子也五帝官天下

吳越朝

西帝始

三王家天下官以傳賢聖家以傳子孫故謂天子為官家王入宮散遣左右

所言皆不可得聞但遙見燭影下玉有離席之

狀既而上引柱斧戳地大聲曰好為之遂崩救

角反上在位十七年改元者三曰建隆乾德開

寶壽五十上仁孝豁達有大度陳橋之變迫於

衆心泊入京師市不易肆泊音忌及也市不易肆言不驚擾也嘗

一日罷朝坐便殿不樂者久之左右請其故上

曰爾謂天子容易邪適乘快指揮一事而誤故

不樂耳樂音洛易音異嘗宴近臣紫雲樓下因論及民

事謂宰相曰愚下之民雖不分菽麥藩侯不為

撫養務行苛虐朕斷不容之為斷皆去聲殺豆也

之甚開寶初脩京城及大內營繕畢上坐寢殿

令洞開門諸門皆端直軒豁無有壅蔽因謂左右

曰此如我心少有邪曲人皆見之矣繕音善補也平

蜀後嘗擇其兵百餘為川班殿直郊禮行賞以

御馬直扈從特增給川班擊登聞鼓援例陳乞

上怒曰朕之所與即為恩澤豈有例邪斬其妄

訴者四十餘人餘悉配隸諸軍遂廢其直從夫聲

陳氏曰以蜀士卒精者直殿故曰川班殿直內也接引也言引御馬直之例陳乞增給也

臣有逮事後唐者上問莊宗英武定天下享國

不久何也其人言其故上撫髀歎曰二十年來

河戰爭取得天下不能用軍法約束誠為兒戲

朕今撫養士卒不吝爵賞苟犯吾法惟有劔耳

撫猶拍也髀音彼股骨也五代以來藩鎮強盛上以漸削之

罷諸節鎮專用儒臣分理郡國以革節鎮之橫

又置諸州通判以分刺史之權自是諸侯勢輕

禍難不作橫難皆去聲專務愛養民力罷卻貢獻禁

進羨餘羨音視常衣澣濯之衣寢殿青布緣簾常衣

之衣去聲晚節好讀書嘗歎曰堯舜之世四凶

之罪止於投竄何近代法網之密邪好去聲削平

諸國必招之不至而後用兵及其既降皆不加

戮禮而存之終其世如下平南漢南唐之類可見嘗幸武成王

廟觀從祀有白起指曰起殺已降不武命去之

武成王謂太公望也從去聲去上聲除也初入京時周將韓通死節

追贈優厚王彥昇棄命專殺終身不授節鉞鉞音

越斧受禪之際倉猝未有恭帝禪制學士陶穀

出諸懷中上薄之歲久在翰林頗怨望上曰吾
 聞學士草制依樣畫葫蘆耳何勞之有薄之謂其不
 忠也葫蘆瓜屬狀如瓠可食內外官有時望者籍記姓名以
 待不次選用稱職者多久任不遷無去聲定銓選
 法銓音全嚴舉主連坐法謬舉者嚴賊吏法有
 真極刑者真置懲五代藩鎮苛征重斂之弊寬
 商征寬麴鹽酒禁倉吏多入民租者或棄市征商
 稅賈征稅也五代多以武人為牧守率意用刑上懲
 之故入者必抵罪抵當也言故入人罪定大辟

詳覆法辟音僻定折杖法如大杖一百折頌新
 刑統實儀等定差役法差音作板籍戶帖戶鈔
 戶鈔如今長吏有度民田不實者或杖流之長
 之朱鈔音鐸諸州旱蝗賑饑蠲租惟恐不及蠲音消舉
 德行孝弟親策制科舉人放進士榜嚴覆試法
 御殿親試進士試書判拔萃行去聲○拔擢也
 之最善者也數幸國子監詔天下求遺書數音初用
 和峴所定雅樂峴音初行劉溫叟所上開寶通
 禮二百卷改鄉貢開元禮命宰執日記時政送

史館撰日曆

撰日曆謂記每日行事也

制度典章彬彬有條

理

彬彬猶班班也

太宗立是為太宗皇帝

臨江梁氏寅曰宋有天下蓋因五代之亂風諸將推戴以圖富貴然五代之君得之易失之易而乃三百餘年之久者固天所命之亦由宋祖知識之明而法制之善也夫黠檢作天子木書見其兆當出師之時而日光相盪受命之始而五星聚奎故曰天所命之也諸將石守信等以黃袍加帝之身豈誠為趙氏

之純臣哉其意以為威權在已則他日亦若是也而宋祖用趙普之計釋諸將之兵權由是人無異志故曰知識之明也五代多以武人為牧守易於生亂太祖則以儒臣為之又置通判以分其權而尤嚴賊吏之法寬苛虐之政故曰法制之善也由是文武效用財力富強凡僭偽之國盡削平之其致治亦云美矣然父有天下傳之子古之道也而杜太后欲兄弟相傳趙普又成其私致太祖不得正

○
戢士
掠戒

其終二子一弟皆不得其死惜哉

太宗皇帝初名匡又太祖長弟也長上音義太祖

入京城匡又首請號令諸將戢士卒仍自於馬

前戒標掠太祖受禪乃改名光義尹開封同平

章事封晉王戢側入反建隆二年昭憲杜太后

臨崩謂太祖曰汝知所以得天下者乎太祖曰

皆祖考與太后之餘慶太后曰不然正由柴氏

使幼兒主天下耳汝萬歲後當傳位晉王晉王

傳秦王秦王以傳德昭國有長君社稷之福也

太祖曰謹受教太后呼趙普曰趙普記共記吾

言不可違因命普於榻前為誓書普署紙尾曰

臣普記藏之金匱長上聲呼去聲柴氏謂周世宗秦王太祖次弟德昭太祖

子長

按父有天下傳之於子正也非有大不可舍

子而傳他人未有不生亂者也杜后但知幼

主之生亂而不知舍正立不正亂亦不免矣

太祖俛從母后之命卒至禍及子弟身亦不

保哀哉趙普於此不能據經切諫阿諛從之

龍行
虎步

蓋不學無術術未知大臣之義者也

太祖友愛篤至晉王嘗寢疾灼艾太祖亦自灸以分其痛嘗曰晉王龍行虎步且生時有異他日必作太平天子福德非吾所能及也灸音太祖幸洛有布衣張齊賢獻十策召問賜食且啗且對太祖善其某策齊賢固稱餘策皆善太祖怒斥使便出既還語晉王曰吾幸西都得一張齊賢吾不欲用之他日留與汝作宰相蓋傳位之定久矣十策謂下并汾富民封建崇學舉賢太學籍田選良吏懲姦恤刑至是

潘羨
伐北

即位更名昺以秦王廷羨尹開封改封齊王德昭封武功郡王更音庚○平海節度使陳洪進以漳泉二州來歸詔以為武寧節度使漳泉二州並屬建福 ○吳越王錢俶求朝遂獻其地詔以為淮海王吳越自錢鏐據兩浙至是七世七十四年而亡○隴西郡公李煜卒贈太師封吳王造 ○以潘羨為北路都招討使帥師伐北漢北漢求救於契丹契丹遣將救之大敗而還帝自將圍太原克之北漢主劉繼元降以為彭城郡公北漢自劉崇稱帝至是四世二十七年亡○帝發太原遂

上
有
謀

伐契丹取易涿州進攻幽州敗績而還殺武功
郡王德昭初德昭從上征太原軍中嘗夜驚不
知上所在有謀立德昭者上聞不悅及是以北
征不利不行平北漢之賞德昭言之上大怒曰
待汝自為之賞未晚也德昭退而自刎後二年
岐王德芳卒自太祖二子相繼死齊王廷美不
自安他日上嘗以傳國意訪趙普普曰太祖已
誤陛下豈容再誤邪於是普復入相廷美遂得
罪降涪陵縣公普復使知開封府李符告其怨

李
繼
捧
來
朝

望南遷房州尋殺之普恐符漏言乃坐符他事
流之春州卒涪音浮○春州屬廣東今南恩州○召華山隱士
陳搏詣闕賜號希夷先生尋放還山○西夏李
繼捧來朝賜姓名趙保忠以為定難節度使難夫
先是李光叡卒子繼筠嗣又卒繼捧嗣至是
來朝獻四州地四州夏銀綏宥其餘繼遷叛去數寇邊
上命保忠管夏銀綏宥靜五州使圖繼遷繼遷
降賜名趙保吉保吉復寇邊命李繼隆討之保
忠言已與保吉解仇乞罷兵上怒命繼隆先移

以黎
桓為

兵討之繼隆入夏州檻送保忠於闕下保吉尋亦請降而復叛命繼隆討之檻上聲復扶又反夏銀宥靜四州○契丹主賢死子隆緒立隆緒年十○遣曹彬等分道伐契丹敗績於岐溝徵州屬陝西彬還京師岐溝關名在涿州西南自是遼連年入寇後女真以遼隔其朝貢之路請擊之不許女真遂臣於遼女真東夷國名○鄧王錢俶卒追封秦國王謚忠懿○彭城郡公劉繼元卒贈中書令追封彭城郡王○交州丁璉卒大校黎桓囚其宗族而專其國遣使奉貢詔以桓

交趾
郡王

為交趾郡王大校大將校也○帝崩上在位二十年年改元者五曰太平興國曰雍熙端拱淳化至道壽五十九太平興國四字年號薛居正沉倫趙普宋琪李昉呂蒙正張齊賢呂端等相繼為相昉音做普凡再入再罷尋卒普初以吏道聞寡學術太祖嘗勸之讀書普遂手不釋卷每朝有大議輒闔戶自啓一篋取一書閱之及卒家人視其篋則論語也嘗謂上曰臣有論語一部以半部佐太祖定天下以半部佐陛下致太平闔音合閉也

石氏曰論語之書固足以定天下致太平矣然觀普之所為未必盡出於此矣所謂云云蓋謬言以欺人耳愚按普性剛毅果斷盡忠國家固可謂社稷之臣矣然觀其以私怨論殺馮瓚李美李檝以阿私致秦王及德芳等不得其死以賊貪受吳越金竊貨秦隴大木私易尚食蔬園若此者不幾於亂世之姦雄者乎特以太祖之明睿太宗之英斷有以成其美耳使遇漢獻

蒙正
才用

之世其不為曹操所為者幾希矣

蒙正晚出嘗與普並相普甚推之蒙正嘗置舟

子夾袋中疏四方人才姓名以待選用尊推讓也疏去

聲選記也初太祖嘗以張齊賢屬上至齊賢舉進士

上欲置之上第而有司第其名在下乃詔一榜

盡賜及第特與通判卒至大用屬音呂端為相

人謂呂相作事糊塗上曰端小事糊塗大事不

糊塗糊塗如字或音鵲突上自即位以來以小人為相者

盧多遜一人而已多遜為相七年以罪流崖州太子立是為

真宗皇帝

太宗第三子也

陳氏樞曰太宗沉謀英斷儉勤納諫閔農慎刑好學重儒故能削平海內功業炳然遇災知懼過舉能悔是以民窮而不怨兵罷而能戢若夫太祖之不得正其終涪陵武功之不得其死宋后之不成其喪後世不能無譏焉

古今歷代標題註釋十九史略通考卷之六上

平初居友之

平初

